



KEMENTERIAN SAINS, TEKNOLOGI DAN INOVASI
MINISTRY OF SCIENCE, TECHNOLOGY AND INNOVATION

KENYATAAN MEDIA

**YB DATUK MADIUS TANGAU
MENTERI SAINS, TEKNOLOGI DAN INOVASI**

23 SEPTEMBER 2015

NEGARA MENGALAMI HUJAN DAN RIBUT PETIR SEHINGGA PENGHujung OKTOBER 2015

Negara kini mengalami kejadian hujan dan ribut petir dengan lebih kerap pada sebelah petang terutamanya di negeri-negeri pantai barat Semenanjung. Bagi negeri Sabah, kejadian ribut petir dijangka lebih kerap di Bahagian Pantai Barat, Kudat dan Pedalaman. Manakala untuk negeri Sarawak, ribut petir dijangka tertumpu di Bahagian Kuching, Samarahan, Sri Aman, Betong dan Sibu.

Keadaan ini adalah kerana negara berada dalam musim peralihan monsun yang bermula 20 September 2015 sehingga ke penghujung Oktober 2015.

Kejadian ribut petir yang berlaku seringkali disertai dengan hujan lebat dan angin kencang yang boleh menyebabkan banjir kilat dan bahaya serta kerosakan.

Saya menasihati agar orang ramai lebih berhati-hati dengan keselamatan diri dan keluarga semasa musim ini.

Walau bagaimanapun dari 22 hingga 30 September 2015, hujan dijangka berkurangan dengan angin kuat dari arah barat daya berikutan kehadiran ribut tropika di perairan Filipina. Sehubungan dengan itu, negara dijangka kembali berisiko mengalami jerebu rentas sempadan dalam tempoh tersebut.

Untuk makluman terkini berkenaan cuaca boleh merujuk kepada aplikasi myCuaca.

Datuk Madius Tangau
Menteri Sains Teknologi dan Inovasi



Unit Komunikasi Korporat
Kementerian Sains, Teknologi dan Inovasi
Malaysia

Phone: 03-8885 8141, Fax: 03-8890 3092
Email: ukk.mosti@1govuc.gov.my